

ხელშეკრულება № „111“

„17 “ „ ივლისი “ 2012 წელი

ქ. თბილისი

1. ხელშეკრულების მხარეების ზუსტი დასახელება

1.1 წინამდებარე ხელშეკრულება დაიდო ერთი მხრივ სამხრეთ ოსეთის ადმინისტრაციასა (შემდგომში შემსყიდველი) და მეორეს მხრივ შ.პ.ს. „იბერია ტექ ავტომოტივი“-ს (შემდგომში მიმწოდებელი) შორის და მიღწეული იქნა ურთიერთშეთანხმება შემდეგზე:

ხელშეკრულება დადებულია სახელმწიფო შესყიდვების შესახებ კანონის მე-10¹ მუხლის მე-3 პუნქტის „თ“ ქვეპუნქტის შესაბამისად, გამარტივებული შესყიდვის საშუალებით.

2. ხელშეკრულების ობიექტის დასახელება

2.1 მიმწოდებელი იღებს ვალდებულებას უზრუნველყოს სამხრეთ ოსეთის ადმინისტრაციის ბალანსზე მყოფი 5 წლის წლოვანების ავტოსატრანსპორტო საშუალებების სრული ტექნიკური მომსახურება. CPV50100000

3. ხელშეკრულების ღირებულება

3.1 განისაზღვრება 4000 (ოთხათასი) ლარით.

4. ხელშეკრულების მოქმედების ვადა

4.1 განისაზღვრება ხელშეკრულების გაფორმებიდან 2012 წლის 31 დეკემბრამდე.

5. საქონლის მიწოდების ეტაპობრივი ვადები

5.1 ხელშეკრულება ძალაში შედის მხარეთა ხელისმოწერის დღიდან.

5.2 ხელშეკრულების პირობების გათვალისწინებით მიმწოდებელი იღებს ვალდებულებას განახორციელოს 2.1 პუნქტში მითითებული მომსახურების გაწევა 2012 წლის 31 დეკემბრამდე.

6. შესყიდვის ობიექტის ხარისხი და გარანტია

6.1 მიმწოდებლის მიერ შესრულებული მომსახურება უნდა იყოს მაღალი ხარისხის.

7. მიღება-ჩაბარების წესი

7.1 შესყიდვის ობიექტი (მომსახურება) ჩაითვლება მიღებულად მხოლოდ მიღება-ჩაბარების აქტის გაფორმების შემდეგ.

7.2 შესყიდვის ობიექტის (მომსახურების) მიღების ან/და საბოლოო შემოწმების შედეგად გამოვლენილი დეფექტის ან ნაკლის აღმოფხვრას საკუთარი ხარჯებით უზრუნველყოფს მიმწოდებელი.

7.3. მიღება-ჩაბარების აქტზე ხელმოწერის უფლებამოსილება ენიჭება სამხრეთ ოსეთის ადმინისტრაციის საფინანსო-სამეურნეო უზრუნველყოფის დეპარტამენტის ტრანსპორტის ექსპლუატაციის სამმართველოს უფროსს ჯონდო შუბითიძეს.

8. ანგარიშსწორების ფორმა და ვადები

8.1 მხარეთა შორის ანგარიშსწორება განხორციელდება უნაღდო ანგარიშსწორებით, ფორმა სტანდარტული.

8.2 შემსყიდველი იღებს ვალდებულებას აუნაზღაუროს მიმწოდებელს ამ ხელშეკრულებით განსაზღვრული ღირებულება მიწოდებული საქონლის შესაბამისად, მიღება-ჩაბარების აქტის გაფორმებისა და მოქმედი კანონმდებლობით გათვალისწინებული ანაზღაურებისათვის საჭირო დოკუმენტაციის წარმოდგენიდან 30 (ოცდაათი) კალენდარული დღის განმავლობაში.

9. მხარეთა უფლება-მოვალეობანი და პასუხისმგებლობა ხელშეკრულების პირობების დარღვევისათვის

9.1 მიმწოდებელი იღებს ვალდებულებას ხელშეკრულების პირობების შესაბამისად შემსყიდველს მიაწოდოს საქონელი, ხელშეკრულებით ნაკისრი ვალდებულებების საბოლოო შესრულებამდე.

9.2 მიმწოდებლის მიერ ანაზღაურებისათვის წარმოდგენილი დოკუმენტაცია შესაბამისობაში უნდა იყოს ხელშეკრულებით გათვალისწინებული შესყიდვის ობიექტთან მიმართებაში.

9.3 შემსყიდველი იღებს ვალდებულებას აუნაზღაუროს მიმწოდებელს ხელშეკრულების ფასი ხელშეკრულების პირობებში ასახულ ვადებში და ფორმით.

9.4 ხელშეკრულებით ნაკისრი ვალდებულებების შეუსრულებლობის ან არაჯეროვნად შესრულების შედეგად მიყენებული ზარალისათვის მხარეები ერთმანეთის წინაშე პასუხს აგებენ საქართველოს მოქმედი კანონმდებლობის შესაბამისად.

9.5 თუ ხელშეკრულების ნებისმიერი მხარე ამ ხელშეკრულებით გათვალისწინებულ ვალდებულებებს ვერ შეასრულებს ხელშეკრულებით განსაზღვრულ ვადებში, მაშინ მას დაეკისრება პირგასამტეხლო ხელშეკრულების ღირებულების 0,1 %-ის ოდენობით ყოველი ვადაგადაცილებული დღისათვის.

10. ხელშეკრულების შეწყვეტა მისი პირობების შეუსრულებლობის გამო

10.1 შემსყიდველს შეუძლია მთლიანად ან ნაწილობრივ შეწყვიტოს ხელშეკრულება,

მიმწოდებლისათვის ვალდებულებების შეუსრულებლობის წერილობითი შეტყობინების შემდეგ თუ:

(ა) მიმწოდებელს ხელშეკრულებით გათვალისწინებულ ვადებში არ შეუძლია მიაწოდოს საქონელი;

(ბ) მიმწოდებელს არ შეუძლია შეასრულოს ხელშეკრულებით გათვალისწინებული, რომელიმე ვალდებულება.

10.2 ხელშეკრულების ცალკეული პირობების მოქმედების შეწყვეტა არ ათავისუფლებს მიმწოდებელს დანარჩენი ვალდებულებების შესრულებისაგან.

10.3 შემსყიდველს შეუძლია მიიღოს გადაწყვეტილება ხელშეკრულების შეწყვეტის შესახებ აგრეთვე:

ა) თუ შემსყიდველისათვის ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრი ვალდებულებების შესრულებას;

ბ) მიმწოდებლის გაკოტრების შემთხვევაში;

დ) საქართველოს კანონმდებლობით გათვალისწინებულ სხვა შემთხვევებში;

10.4 ამ მუხლის მე-3 პუნქტში მითითებულ შემთხვევებში შემსყიდველი ვალდებულია აუნაზღაუროს მიმწოდებელს ფაქტიურად შესრულებული სამუშაოს ღირებულება.

11. ფორს-მაჟორი

11.1 ხელშეკრულების პირობების ან რომელიმე მათგანის მოქმედების შეჩერება ფორს-მაჟორული გარემოებების დადგომის გამო არ იქნება განხილული როგორც ხელშეკრულების პირობების შეუსრულებლობა ან დარღვევა.

11.2 ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველისა და/ან მიმწოდებლის შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნას მიტ ან სტიქიური მოვლენებით, ეპიდემიით, კარანტინით და ემბარგოს დაწესებით, საბიუჯეტო ასიგნებების მკვეთრი შემცირებით და სხვა.

11.3 ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობისა და მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამოიწვიოს ვალდებულებების შესრულების ისეთი ალტერნატიული ხერხები, რომლებიც დამოუკიდებელნი იქნებიან ფორს-მაჟორული გარემოებების ზეგავლენისაგან.

12. დავების გადაწყვეტის წესი

12.1 ხელშეკრულების დამდები მხარეები თანხმდებიან მასზედ, რომ ყველა ღონეს იხმარენ, რათა პირდაპირი არაოფიციალური მოლაპარაკებების მეშვეობით შეთანხმებით მოავგარონ ნებისმიერი უთანხმოება და დაეა, წარმოქმნილი მათ შორის ხელშეკრულების ან მასთან დაკავშირებული საკითხების ირგვლივ.

12.2 თუ ასეთი მოლაპარაკებების დაწყებიდან 30 (ოცდაათი) დღის განმავლობაში შემსყიდველი და მიმწოდებელი ვერ შესძლებენ სადაო საკითხების შეთანხმებას, ნებისმიერ მხარეს დავის გადაწყვეტის მიზნით შეუძლია დადგენილი წესით მიმართოს საქართველოს სასამართლოს.

13. ხელშეკრულების ინსპექტირების პირობები

13.1 შემსყიდველს (მის წარმომადგენელს) უფლება აქვს გამოცადოს შესყიდვის ობიექტის (საქონელი) ხარისხი, რათა დარწმუნდეს მის შესაბამისობაში კონტრაქტით გათვალისწინებულ პირობებთან.

13.2 მიმწოდებელი ვალდებულია საკუთარი ხარჯებით უზრუნველყოს კონტროლის (ინსპექტირების) შედეგად გამოვლენილი ყველა დეფექტის ან ნაკლის აღმოფხვრა.

13.3 ხელშეკრულებაში მითითებული ობიექტის (საქონელი) ფასსა და ხარისხზე პასუხისმგებელი პირია სამხრეთ ოსეთის ადმინისტრაციის საფინანსო-სამეურნეო უზრუნველყოფის დეპარტამენტის ტრანსპორტის სამმართველოს უფროსი ჯონდო შუბითიძე.

13.4 შემსყიდველი უფლებამოსილია ხელშეკრულებით გათვალისწინებული საქონლის მიწოდების დროს ჩაატაროს მიწოდებული საქონლის ხარისხის შემოწმება და კონტროლი, რისთვისაც გამოყოფს უფლებამოსილ პირს სამხრეთ ოსეთის ადმინისტრაციის საფინანსო-სამეურნეო უზრუნველყოფის დეპარტამენტის ტრანსპორტის სამმართველოს უფროსს ჯონდო შუბითიძეს, რომელიც აგრეთვე უფლებამოსილია ჩაატაროს ხელშეკრულების პირობების შესრულების ინსპექტირება, ხოლო მიმწოდებელი ვალდებულია ხელი შეუწყოს მას ინსპექტირების ჩატარების დროს.

13.5 8.2 პუნქტის შესრულებისათვის წარმოდგენილი დოკუმენტაციის სისრულეზე და რეალობაზე პასუხისმგებელია 13.3 პუნქტში მითითებული პირი.

13.6 ამ მუხლის არც ერთი პუნქტი არ ათავისუფლებს მიმწოდებელს მოცემული ხელშეკრულების სხვა ვალდებულებებისაგან.

14. ხელშეკრულებაში ცვლილებების შეტანა

14.1 ხელშეკრულების დამდებ არც ერთი მხარეს არა აქვს უფლება ცალმხრივად შეცვალოს ხელშეკრულების პირობები.

14.2 თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია. ამავე დროს შემსყიდველი არ არის ვალდებული წარუდგინოს მიმწოდებელს რაიმე მტკიცებულებანი იმ გარემოებებთან დაკავშირებით, რომელთა გამოც წარმოიშვა ხელშეკრულების პირობების შეცვლის აუცილებლობა.

14.3 დაუშვებელია ნებისმიერი ცვლილება, რომელსაც მოჰყვება ხელშეკრულების ფასის გაზრდა ან შემსყიდველის პირობების გაუარესება გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა.

14.4 ხელშეკრულების პირობების ნებისმიერი ცვლილება უნდა გაფორმდეს ხელშეკრულების დანართის სახით, რომელიც ჩაითვლება ხელშეკრულების განუყოფელ ნაწილად.

15. შეტყობინება

15.1 ნებისმიერი შეტყობინება, რომელსაც ერთი მხარე, ხელშეკრულების შესაბამისად, უგზავნის მეორე მხარეს, გაიგზავნება წერილის, დეპეშის, ტელექსის ან ფაქსის სახით, ორიგინალის შემდგომი წარმოდგენით, ხელშეკრულებაში მითითებული მეორე მხარის მისამართზე.

15.2 შეტყობინება შედის ძალაში ადრესატის მიერ მისი მიღების დღეს ან შეტყობინების ძალაში შესვლის დადგენილ დღეს, იმის მიხედვით, თუ ამ თარიღებიდან რომელი უფრო გვიან დგება.

16. გამოყენებული სამართალი

16.1 ხელშეკრულება დადებულია საქართველოს კანონმდებლობის შესაბამისად და ინტერპრეტირებული იქნება საქართველოს კანონმდებლობის მიხედვით.

16.2 ხელშეკრულება შედგენილია 4 (ოთხი) თანაბარი იურიდიული ძალის მქონე ეგზემპლარად, საიდანაც 3 (სამი) ეგზემპლარი გადაეცემა შემსყიდველს, ხოლო 1 (ერთი) ეგზემპლარი გადაეცემა შემსრულებელს.

შემსყიდველი:

სამხრეთ ოსეთის ადმინისტრაცია
მის: ქ.თბილისი კოსტავას №37ა
ტელ: (+995 32) 99 89 90

საბანკო რეკვიზიტები:
სახელმწიფო ხაზინა,
საიდენტიფიკაციო კოდი 204532434

მიმწოდებელი:

შ.პ.ს. „იბერია ტექ ავტომოტივი“
მის: ქ.მცხეთა, დავით აღმაშენებლის ქ.;
ტელ: 2 54 00 00;
საიდენტიფიკაციო კოდი 236 093 473
საბანკო რეკვიზიტები:
ბანკი
სს „საქართველოს ბანკი“-ს ც/ფ
კოდი BAGAGE22
ანგარიშის №GE29BG0000000153512100

სამხრეთ ოსეთის ადმინისტრაციის
ხელმძღვანელი:

დimitრი სანაკოევი

ხელმოწერა:



შ.პ.ს. „იბერია ტექ ავტომოტივი“-ს
დირექტორი:

ლაშა მიგინეიშვილი

ხელმოწერა:



სახელმწიფო შესყიდვის № 111 ხელშეკრულებასთან დაკავშირებით კონფლიქტის
არარსებობის ცნობა


ზემოთ აღნიშნულ სახელმწიფო შესყიდვაში მონაწილეებთან ინტერესთა კონფლიქტის თავიდან აცილების მიზნით ვადასტურებთ, რომ ჩვენი მონაწილეობა აღნიშნულ სახელმწიფო შესყიდვის განხორციელებასთან დაკავშირებულ საქმიანობაში არ ეწინააღმდეგება „სახელმწიფო შესყიდვების შესახებ“ საქართველოს კანონის მე-8 მუხლით (ინტერესთა კონფლიქტის თავიდან აცილების პირობები და წესები) გათვალისწინებულ მოთხოვნებს.

სამხრეთ ოსეთის ადმინისტრაციის
ხელმძღვანელი



დimitრი სანაკოევი

სამხრეთ ოსეთის ადმინისტრაციის
საფინანსო-სამეურნეო უზრუნველყოფის
დეპარტამენტის
შესყიდვების სამმართველოს უფროსი



მანუჩარ შაკაია

სამხრეთ ოსეთის ადმინისტრაციის
საფინანსო-სამეურნეო უზრუნველყოფის
დეპარტამენტის ტრანსპორტის
სამმართველოს უფროსი



ჯონდო შუბითიძე